

八瓊室金石補正

第二册

八瓊室金石補正卷四十

太倉陸增祥撰

男 繼輝校錄

吳興劉承幹覆校

唐十二

新太令張文珪造象碑銘

高五尺六寸二分廣二尺七寸六分標首及撰人名
一行五十二字銘廿四行行五十五字姓氏二行字
不計正書帶
行筆在山東

大唐貝口通直郎行沂州新太縣令上護軍張文珪奉
爲二親敬造像碑銘 并序

登仕郎守紀王府典籤馮翊芮智臻撰

令息懷綺 嘉勸

昔聞金河證果果淨而緣空寶地祈真真成而色滅用
能隨機誘喻雖異術而同歸汲引乖方亦殊源而共本
無相示相廣開方便之門非身現身競託宣遊之軌然
則龍宮妙典驚岳微言莫不宏十力以救焚資四禪而
拯溺盪稽天之苦浪蔭之以慈雲廓蔽日之重昏承之
以法炬其有誼誠遐感大孝潛詠陟曾岷而想梵宮履
寒泉而思彼岸者卽新太令張君之謂歟君名文珪字
仁友清河人也卽常山王敖之後若夫茂緒開宗珥漢
貂於七葉靈源析派禪晉袞於三台傳鈞之慶不窮負

璽之榮相襲曾祖恩隨上谷郡遂城縣令庭喧溪□□
和自舞之鸞室響鳴琴引狎朝飛之雉祖客隨清河大
中正青州司馬牽絲入仕馳令問於時談衣錦棲榮播
清徽於雅俗由是聲高海岱□比天齊顯考同操慶襲
箕裘孝廉應聘辟少微而曜彩且蘊價以揚名大業末
年任高密縣主簿屬炎行失御厲階斯起觸山妖黨鼠
竊蜂飛編戶遺甿鳥驚□潰脩虵犯蹕毒被蒼生封豕
裂冠矢流黃屋兇徒孔熾懼投迹之未□巨噬挺災瞻
故鄉而路絕言歸河朔幾傷羈旅之魂飲恨沂南獨弔
飄飄之□永懷棗梓空切蓼莪斯顛莫從闕山何極于

時竄身之地幸遇通家有泗水縣鷹揚府司馬太山羊君者卽襄陽太□祐之後也諱彪字仲武邂逅相遇斷金之契已隆樂莫新交傾蓋之情斯允昔伯通遇士慰梁鴻之五噫田文禮賢荷馮煖之三窟復有族人張道興者卽此邑之髦彥行高十室恩合五宗宗子之眷既深本枝之情弥切契闊踰於三祀艱苦窮於百慮茹藜啜菽既共戚而均憂撤少兮甘聊候時而卒歲君太夫人卽琅耶王氏絳郡太平令元顥之長女爲大舅道洽二舅道液竝花萼交映芝蘭通發非禮勿居非義不取彈冠入仕譽滿金門執贄登朝光流玉潤不以利害宅

心不以夷險易質君乃追思聖善情切渭陽復以弄璋之初於此誕育隨珠自潔瑩之以圓流梁玉本奇澄之以方折貞心逾於郅桂勁節擬於和木器度溫雅風神散朗泊乎

皇階授木義邱初開再奉欽明全身仁壽以武德之初擢任舒州懷甯縣丞後遷始州武連令潁水祥星始應編珠之集扶津爰景倏沉連石之暉貞觀八年遘疾終于私第春秋卅有二接聞姻朋踐芝筵而下泣投膠家友味蘭室而餐哀惟君良治克傳家聲載蔚歆機穎悟敏藝夙彰仁孝之道幼詒友悌之風潛扇宦成名立漣欸輸忠騰懿範於

昌期播清

芬於懋賞以文明元年授沂州新太縣令縣與□裏相
連卽慈親避地之勲聞問增感志切回心瞻露草而長
號仰風枝而永歎銜哀茹血追遠慎終艤六度之仙舟
轉三乘之妙躅於是發宏□□奉爲二親敬造尊像并
菩薩一十八軀崇勝業也瑞花承旦彩映青蓮滿月開
顏色含丹桂冥途資其解脫法界仰以歸依永潤身田
長濡性□□□彈究竟施竭劬勞結妙果於閻浮證
□生於兜率識化城之非有悟火宅之無常於是敬從
尊容移居淨域寺稱白雉室照金容法侶仁□名僧間
出具敖東架忍樹低陰徂來西峙慈雲吐潤北則宮山

孤聳有漢武之仙蹤南則汝水浮空覽子騫之遺跡瞻
言寶座永固金儀竟打石□長□□恒沙而不朽欲宣
此偈乃作銘云
緬尋妙典詳觀梵文七識馳驚

五陰群兮高懸法鏡瑩此重氛覺花承露忍葉□雲□
大雄□□能
洎道映弥天德兼初地生成惟一色

空無二方便宏辨抑揚鱗次其二爰屬有隨炎行告否黔
首交匪綠林斯逸猛噬波騰群兇岳峙眷言士庶

桑梓

其三

叡唐承厯重光應期聿遵帝道行宣孝慈布

此元德憑乎大悲經啓精舍乃建仁祠其四顯允猗人思

攀靜樹滌心淨海寄□號慕□
親式光冥路智燈

自朗法流恒注

其五

蕭然梵域肅穆神儀靈顏若笑寶出

疑移風搖惠草露湛禪枝興言福地良津在斯

其六

敬飾

金繩于茲

滿周脩彫礪云整葉秀菴園花開蓮

井心力俱罄元功自永

其七

垂拱三年歲次丁亥三月乙丑朔八日壬申建立

僧行端 上坐義晉 寺主行簡 都維那僧景

僧毛學 僧惠湛 僧法海 僧摠知 僧仁太

僧承寶 僧仁真

儒林郎行丞騎都尉史威仁 登仕郎行尉騎都尉

范承禮 鳳州梁泉縣令莊傅夫人王氏 息許王

執仗務道 鳴砂縣尉務靜 濟王隊區務及

右碑完整磨泐無幾銘詞四行行末各闕二字拓
本殘損未必石泐也新太新唐書地理志作新泰
上有蒙山屬沂州懷甯屬舒州同安郡武德五年
析置皖城安樂梅城皖陽四縣是年省安樂七年
省皖城梅城武連屬劍州普安郡舊曰始州先天
二年更名此稱始州時未更名也梁泉屬鳳州河
池郡武德元年析置黃花縣後省鳴沙志作鳴砂
屬威州武德二年置會州貞觀六年州廢更置環
州九年州廢還隸靈州威州本安樂州徙鄯州又

徙靈州咸亨三年以靈州之故鳴沙縣地置州至
德後沒吐蕃大中三年收復更名威州碑立於垂
拱三年當隸靈州也清河郡後周置貝州首行缺
字當是州字又案清河舊曰武城置清河郡開皇
初郡廢改名上谷郡開皇元年置易州大業初置
郡遂城縣開皇十八年改此稱上谷郡遂城縣是
恩爲縣令在大業置郡後矣高密屬高密郡開皇
初郡廢大業初復置郡此不言郡據志則時已復
置矣泗水縣開皇十八年置絳郡後魏置東雍州
後周改曰絳州太平後魏置後齊省臨汾縣入焉

隋因之又正平舊曰臨汾置正平郡開皇初郡廢
十八年縣改名焉大業初置絳郡此稱絳郡太平
令是元顥爲令亦在大業置郡後矣煬帝時朔衛
府加親侍鷹揚府府各有司馬此稱鷹揚府司馬
大業時官也隋百官志上上郡太守上上縣令屬
官皆有中正無大中正之稱此云清河大中正者
當亦煬帝時所改也常山王敖者漢張耳之子唐
書宰相世系表河間張氏漢常山景王耳之後是
其一派漢貂七葉卽指張耳而言晉袞三台指司
空壯武公張華而言唐百官志王府官典籤二人

從八品下親事府隊正亦從八品下執仗十六人
典軍領之宗室世系表太宗子慎封紀王高宗子
素節封許王濟王之封不見於表而蜀王房後有
爲濟王府戶曹參軍者章懷太子房後有爲濟王
諮議參軍者竊意濟王之封當亦高宗之子武氏
誅滅唐宗濟王之後蔑如故表亦闕略耳至元宗
子環封濟王則後此數十年也誣誠當卽至誠字
巢補云誣同誣蓋誤大孝潛詎仁孝之道幼詎詎
字不見於字書疑卽該字彪作彪避諱字曾岷曾
古層字

上護軍龐德威墓誌

方一尺七寸四分三十二行行三十
一字正書字徑四分有界格在咸甯

大唐故上護軍龐府君墓誌銘

并序

君諱德威字二哥南安人也。晉三方鼎峙王道申其爪
牙六國權衡霸圖重其謀略。泉原濬極遠派靈長擢榦
扶疏脩條。菀茂公卽其後也。曾祖隆周任益州司倉叅
軍事贊分符於玉壘。佐剖竹於銅梁。仁教以之。傍融政
化因而遠被。祖慶隨任潞州上黨縣丞。德宇竒廓器量
淹深。百里仰其成規。一同資其善政。父師隨任廣州司
馬。嘉謨自蘊妙善。非因灑落風煙。超攄雲漢。輔兮珪於

五嶺道洽泣珠之鄉楊別扇於三湘恩浹落星之境公
則器惟瑚連性乃珪璋岐嶷表其齡年魁岸章其冠歲
英姿挺秀天骨標竒立行可模出言成範明明令德莫
測其淺深滔滔雅量詎知其遠近神機獨運吞鎮北於
匱間智略兼人拚征南於度內深衷海濬壯志山高學
盡五車書工八體控雕弓而屈右落鴈啼猿張空拳而
啓行批熊拉武往以三韓未附鯢壑驚波九種猶迷鰲
津駭浪公荷霜戈而奮武揮星劍以臨戎勇若鯁諸捷
如慶忌遂授公勲官上護軍酬勞効也魯叔敖知履尾
之懼不受楚國之封仲連怯觸鱗之威竟謝齊君之祿

公深明心足之誠遠識無厭之譏乃謝病辭朝自樂馬
游之乘追驩宴友方欣陸賈之田怡怡弟兄恂恂鄉黨
不謂輔人虛說天道無徵二豎纏痾兩楹興歎名香何
在唯增啓足之悲神竈空傳詎免遊魂之怨以乾封元
年十二月十七日寢疾弥留卒乎私第春秋六十有八
琴臺月上永息陽春之音金埒風生誰控桃花之騎夫
人王氏其先太原人也侍中遊覽警魏閣以流芳將軍
卧病開秦基而演慶祖尙隨任銀青光祿大夫相州長
史父暉隨任潞州司倉並珪璋其質松栢其心虔渥不
緇凌寒轉羣夫人騰姿月魄稟質坤靈道冠三從行該

四德品搖空之舞雪特妙因風辯絕響之哥絃懸明第
次承巾奉食重德輕鱣禮逾晉缺之帷義越楚莊之室
雖良人塵質弥軼盡眉之情而剋已明心以表輕身之
詠豈謂百年難續千月易窮倏奄夜臺俄辭白日以垂
拱三年歲次丁亥十月六日卒乎私第春秋七十有六
單鳧獨逝已悽潘子之懷兩劍雙沉遽切丁君之慮卽
以其年十一月辛酉朔廿二日壬午合塋于四池之側
禮也青烏獻兆甯惟千載之墳白鶴占原自應三台之
氣孤子行基等仰蒼穹而無色擗黃壤以崩心痛結慕
我哀纏陟岵恐山迴牝壑海變桑田爰紀芳猷式刊貞